

## Kitsiso ya Kafa Molaong

### **KITSISO YA GO FUDUSWA GA KAROLO NNGWE YA KGWEBO YA INSHORENSE YA GUARDRISK LIFE E FUDUSETSWA GO EMERALD LIFE TUMALANONG LE KAROLO 50 YA MOLAO O O LAOLANG TSAMAISO YA DIINSHORENSE**

Ke boikaelelo jwa Guardrisk Life Limited (ka nomoro ikwadiso ya 1999/013922/06) ("**Guardrisk Life**") go fudusetsa karolo nngwe ya kgwebo ya bone ya inshoreense go Emerald Life Proprietary Limited (ka nomoro ikwadiso ya: 2016/534835/07) ("**Emerald Life**") tumalanong le karolo 50 ya Molao o o Laolang Tsamaiso ya Diinshoreense wa 18 wa 2017 ("**Molao**") ("**Phuduso e e Tshitshinngwang**").

Dipholisi tse di amegang mo Go Fudusetsweng go go Tshitshinngwang gono kwa setlamong se sengwe tsotlhe di na le dipholisi tsa phitlho tse di amogetsweng le go saenelwa ke Guardrisk Life, tsa anamisiwa le go tsamaisiwa ke Emerald Life ("**Dipholisi Tse di Fudusiwang**"). Dipholisi tse di Fudusiwang di tla fudusetswa go Emerald Life go ya ka tumalano e e dirilweng ya go fudusiwa ga kgwebo, tumalano e e dirilweng magareng ga Guardrisk Life le Emerald Life ("**Tumalano**").

E re ka Phuduso e e Tshitshinngwang e ama go fuduswa ga Dipholisi go tswa go Guardrisk Life di fudusetswa go Emerald Life kwa ntle ga tumalano ya beng ba dipholisi, go ya ka Molao ono go tshwanetse ga nna le tsamaiso e e latelwang e e gagametseng, e e akaretsang, gareng ga tse dingwe, gore Phuduso e e Tshitshinngwang eno e amogelwe ke ba Prudential Authority.

Ka bonako fela fa Prudential Authority e se na go ntsha tumelelo ya go diragadiwa ga Phuduso eno e e Tshitshinngwang, e tla nna maikarabelo a Emerald Life jaanong go diragatsa maitlamo otlhe a a dirilweng ke Guardrisk Life a a amanang le Dipholisi tse di Fudusiwang.

Dintlha malebana le Phuduso e e Tshitshinngwang di mo Tumalanong eno. Tumalano eno e dira fa maemo mangwe a ka diragadiwa, ao mangwe a one e leng gore Prudential Authority e tshwanetse go amogela Phuduso e e Tshitshinngwang.

Dikopi tsa ileketeroniki tsa Tumalano eno, le ditokumente tse dingwe tse di amanang le Phuduso eno e e Tshitshinngwang di tla dirwa gore ke bonwe go simolola ka **25 Motsheganong** go ya go **23 Seetebosigo 2022** mo webosaeteng ya:

- Guardrisk Life: <https://guardrisk.co.za/policyholder-notifications/>;
- Emerald Life: [https://emerald.life.co.za/gr\\_transfer](https://emerald.life.co.za/gr_transfer); le

kwa diofising tsa ntlokolo ya Emerald Life (86 Edward Street, 3rd Floor, Sterling Place, Bellville 7530), Ntle le ka boMatlhatso, boSontaga le Malatsi a Boikhutso ("**Dipaka Tsa Tlhatlhubo**");

Motho lefa e le ofe yo o nang le kgatlhego mo kgannyeng eno a ka nna a romelela Prudential Authority ditshitshinyo tsa gagwe ka Phuduso eno e e Tshitshinngwang, a dire jalo ka Paka ya Tlhatlhubo. Ditshitshinyo tsa gagwe di tshwanetse go fitlha go Prudential Authority pele ga letlha la **23 Seetebosigo 2022**. Tsweetswee romela dipotso tsotlhe ka imeile go [info@emerald.life.co.za](mailto:info@emerald.life.co.za).

Kgotsa re kopa gore o romelele Prudential Authority dipotso tsa gago ka imeile go [SARB-PA@resbank.co.za](mailto:SARB-PA@resbank.co.za).